

CCXL

Vorred Vitruuij an den Groß-
mehchtigsten Keiser Augustum/in das VIII.
Buch der Architectur.



Er namhaftig Philosophus Thales von Mileto/ so vnter die siben Weisen der Griechen auch gezelet worden/wil das aller ding anfang vnd vrsprung auß dem Element des Wassers sey. Aber Heraclitus setzet das Element des Feners/ So wöllen die Weisen Magi das solche beyde Element mit einander den vrsprung aller ding geben sollen. Euripedes aber Anaragore discipel/hette vil ein andre meinung/dann erhielte das der Lufft vnd Erdrich durch den regen ein fruchtbarkeit empfiengen / darauß die Menschen vnd alle lebliche Creaturn iren vrsprung nemen/ vnnnd hernach durch die zeit wider zerstöret/ eben wider in solche beyde Element gebracht wurden/ aber was vom Lufft sein vrsprung hette/das dasselbig sich wider in lüfftigkeit be gebe/ vnd sein vorige eygenschafft vnd proprietet widerumb anneme vnnnd also vnzergerlich were. Difen Philosophum haben die Athenienser Scenium genant. Aber Pythagoras / Empedoctes / Epicharmus/vnd andre mer fleißige erkundiger der natur vnd Philosophi / haben vier anfang vñ vrsprung aller ding gesetzt/ als Lufft/ Fener / Wasser vnd Erdrich/ welche durch die vermischung einander verhafft nach eins heden eygenschafft sinderliche qualitates verursachte. Dan wir sehen clarlich vor augen/das nit allein alle wachsende ding von difen vier Elementen/ iren vrsprung habē/ sunder das auch die selbigen ir in keinen weg mangeln oder geraten können/ noch erhalten oder auffbracht werden mögen. Dann der icib on den geist nit leben mag/ wo er nit on vnterloß durch den athem eingezogen wirt/ Wo aber kein rechtmessige temperirung in menschlichem Körper/ so mag der leblich geist im Körper nit sein/ die krefte werden auch nit bleiben/ Dann die speis wird ire diewung nit empfaen können/ So dann die glieder kein irdische spens oder narung empfaen/ werden sie verschmacht/ vñ mögen nicht erhalten werden/dann sie der Irdischen Elementischen krafte in der vermischung beraubt werden. Vnd weiter wo die Körper der feuchtigkeit beraubt werden/ verschwindet das geplut/wirt die natürliche feuchte verzeret/vnd muß solcher Körper außstrucken vnd verdorren. Darumb es von anfang von der Natur also vorsehen ist/das solche ding/ deren wir nit geraten mögen/sonder dardurch erhalten werden müssen / nit schwerlich noch musamlichen zubekumen seind/ als die Perlein/das Gold/Silber vñ ander

